



Broj: 01-64 /13
Vareš, 28.02. 2013. godine

Na osnovu člana 22. tačke 24. Statuta Općine Vareš – Prečišćeni tekst, broj: 01-162/12. od 11.09.2012. godine i člana 100. Pravilnika o radu Općinskog vijeća Vareš – Prečišćeni tekst, broj 01-109/09. i 01-16/12. Općinsko vijeće Vareš, na 5 sjednici održanoj 28.02. 2013. godine, d o n o s i

ZAKLJUČAK

1. O pokretanju Inicijative za izmjene Ustava Federacije Bosne i Hercegovine, kojom se voljom građana Općine Vareš i organa vlasti ove Općine želi predložiti organima Federacije BiH koji rade na izradi izmjena i dopuna Ustava FBiH to jest reformama Ustava, da Općinu Vareš u novom ustroju teritorijalnih jedinica u Federaciji BiH – preformiranju Kantona, (koja se sada nalazi u sastavu ZE-DO Kantona), **PRIKLJUČI (OBUHVATI)** u **SARAJEVSKI KANTON.**
2. Ovlašćuje se predsjedavajući Općinskog vijeća i Općinski načelnik da preduzmu sve potrebne aktivnosti na provođenju ove Inicijative.
3. Zaključak stupa na snagu danom donošenja.

Obrazloženje

Posmatrajući historiju administrativno – teritorijalne odnosno političko – teritorijalne podjele BiH do 1990. godine, to znači od 1945. pa od 1955. do 1963. i od 1963. do 1990. godine Vareš kao Općina je uvijek kroz Srezove, Okruge ili Oblasti bila povezana sa susjednim općinama Brezom i Visokim u Visočki ili Sarajevski politički i teritorijalni oblik povezivanja iz jednostavnog razloga što je to bilo prirodno – geografski, komunikacijski i društveno – ekonomski opravdani način grupisanja i razvitka ovog prostora što se pokazalo u prošlom vremenu funkcionalnim, prosperitetnim i održivim.

Sadašnjim uređenjem Federalnih jedinica Kantona, Vareš je na samom početku bio nezadovoljan jer je bez volje građana ova Općina svrstana i obuhvaćena Zeničko - Dobojskim Kantonom (gdje su još pored ostalih općine Tešanj, Zavidovići – koji su od Vareša udaljeni preko 150 km ili što se Vareš u takvom ustroju Kantona ekonomsko – funkcionalno, prirodno – geografskom i komunikacijskom principu našao u nepovoljnom, izolacijskom i nefunkcionalnom položaju pa su građani svih ovih 20 godina itekako to osjetili). Vitalni životni interesi i potrebe građana po pitanju liječenja i zdravstvenih usluga, zemljišno – knjižnih predmeta, sudske usluge, PIO i druge usluge su teško ili nikako ostvarive jer nisu na racionalan, efikasan i ekonomičan način dostupne građanima Vareša.

Vijeće i političke stranke su od 1997. godine više puta u raspravama na sjednicama Vijeća, izražavali nezadovoljstvo položajem i pripadnošću Vareša Zeničko – Dobojskom

Kantonu. Jedinstveno mišljenje i opravdanost Zaključka odraz su pokazatelja koji su naprijed navedeni da je Varešu kao Općini mjesto u Sarajevskom Kantonu. Vijeće je 2007. godine, kao i 2009. godine donosilo Zaključke o prihvatanju Inicijative da se kod donošenja Zakona o novom ustroju općina u FBiH, Vareš svrsta odnosno uključi kao Općina Sarajevskog Kantona. Sve ove Inicijative su upućivane Kantonalnim i Federalnim organima, ali pomaka i odgovora nije bilo.

Sada kada se radi na izmjenama i dopunama Ustava FBiH a time i Zakona o Federalnim jedinicama želimo da se u skladu sa Evropskom Poveljom o lokalnoj samoupravi, Ustavom FBiH, Zakonom o principima lokalne samouprave, uvaži i poštuje volja građana i organa ove općine tj. lokalne zajednice i da se **VAREŠ** u novom Kantonalnom ustroju priključi odnosno obuhvati teritorijalno u **SARAJEVSKI KANTON**.

DOSTAVLJENO:

- 1 x Parlament FBiH,
- 1 x Skupština ZE-DO Kantona,
- 1 x Ustavna komisija Predstavničkog doma FBiH,
- 1 x Komisija za lokalnu samoupravu Predstavničkog doma FBiH,
- 1 x Ambasada SAD- Sarajevo,
- 1 x OHR,
- 1 x OSCE – Terenski ured Zenica,
- 1 x a/a.

**PREDSJEDAVAJUĆI
OPĆINSKOG VIJEĆA**

Zdravko Marošević